

## Педагогикалық кеңес

### Хаттама №1

Өткізілген мерзімі: 27.08.2021 ж

Қатысқандар саны: 19

### Тақырыбы: «2021– 2022 оқу жылына дайындық»

#### Күн тәртібінде:

1. Жазғы сауықтыру – шынықтыру шараларының есебі.
2. Топтардың жаңа оқу жылына дайындығы.
3. 2021 – 2022 жаңа оқу жылының жылдық жоспарымен таныстыру.
4. 2021 – 2022 жаңа оқу жылына арналған сабақ кестесін бекіту.
5. Әртүрлі мәселелер

#### Тыңдалды:

Балабақша әдіскері жазғы сауықтыру – шынықтыру шараларының ұйымдастырылу барысы туралы есеп берді. Шаралар жазғы жоспарға сәйкес орындалғандығы атап өтілді. Режимдік сәттер реттелімі бойынша ұйымдастырылып, санитарлық талаптар сақталды. Топ тәрбиешілері жазғы шынықтыру шараларын ұйымдастырып, шара конспектілері ұсынылды.

Екінші мәселе бойынша әдіскер К. Базарбекова балабақшаның, топтардың жаңа оқу жылына дайындығы туралы талдау жасады. Топтарда заттық дамытушы ортаны әлі де толықтыру қажеттілігі атап өтілді. Білім беру салалары бойынша дидактикалық материалдар жабдықталған, картотекалар жасақталған.

Одан әрі балабақша басшысы 2021 – 2022 жаңа оқу жылына арналған жылдық жоспармен таныстырды. Жылдық жоспарда келесі міндеттер басты назарға алынды:

1. «Үштілдік құзреттілікті басым бағытта алу арқылы балалардың шығармашылық қабілетін ашу». Балалардың шығармашылық қабілеттерін (театрландырылған қойылымдар, көркем сөз ән), ой- өрістерін және тілдерін үш бағытта дамыту.

2. «Спорттық шаралар мен ойындарға, дене шынықтыру жаттығуларына белсенді қатысуға баланың қызығушылығын дамыту және тәрбиелеу». Балалардың спорттық қимыл- қозғалыс белсенділіктерін қалыптастырып, денсаулықтарын нығайту. салауатты өмір салтын ұстануға тәрбиелеу.

Осы міндеттерге орай педагогикалық кеңес, семинар, кеңестер және т.б. шаралар жоспарға алынды. Жоспарда қарастырылған шаралар бойынша жауапты тұлғалар белгілені, шараларды өткізу мерзімі жарияланды.

Келесі мәселе - 2021 – 2022 жаңа оқу жылына арналған сабақ кестесі. Оқы жоспарна сәйкес барлық топтарға сабақ кестесі құрылды және бекітілді. Вариативтік компоненттер таңдалып, бекітілді.



## Педагогикалық кеңес

### Хаттама №2

Өткізілген мерзімі: 22.11.2021 ж  
Қатысқандар саны: 20

**Тақырыбы:** «Үштілдік құзреттілікті басым бағытта алу арқылы балалардың шығармашылық қабілетін ашу».

#### Күн тәртібінде:

1. №1 педагогикалық кеңес шешімінің орындалуы.
2. Бағдарлама мазмұнының жүзеге асуы туралы шолу
3. Баяндама «Балалардың шығармашылық қабілеттерін дамыту»
4. Практикалық бөлім «Ойнайық, ойлайық, сөйлейік»
5. Әртүрлі мәселелер

#### Тыңдалды:

Балабақша әдіскері №1 педагогикалық кеңес шешімінің орындалуы туралы шолу жасады. Әдіскер К.Базарбекова Топ тәрбиешілері заттық-дамытушы ортаны ұйымдастыруға барынша көңіл бөлді, ойын, кітап, өнер бұрыштары жасақталды. Барлық топта сабақ кестесіне сәйкес оқу қызметі ұйымдастырылып отыр.

Одан әрі Үлгілік оқу бағдарламасы мазмұнының жүзеге асу барысы туралы сөз қозғалды. Барлық топтар білім беру саласы бойынша оқу қызметін ұйымдастыруда жас ерекшеліктеріне сәйкес мақсат-міндетерді қарастыра білетінін көрсетті. Осы бағдарлама негізінде перспективалық жоспарлар толық жасақталған.

Тәрбиеші Н.Ескендірова «Балалардың шығармашылық қабілеттерін дамыту» тақырыбында дайындаған баяндамасымен таныстырды. Баяндама барысында: «мектепке дейінгі жастағы бала шығармашылығы дегеніміз – сурет, жапсыру жұмысы, ойын, би, бейнелеу қимылдары, дауыс ырғағын салу болып есептеледі. Осы өнер түрлерінде баланың өз белсенділігін дамытуға аса назар аудару керек. Бала шығармашылығын дамыту үшін оларға дағдыны қалыптастыру қажет» деп атап өтті.

Келесі мәселе практикалық бөлімге арналды. «Ойнайық, ойлайық, сөйлейік» деп аталған бөлімде тәрбиешілердің Қатынас білім беру саласына қатысты білімі мен тәжірибесі талқыға түсті. Балабақшаның педагогикалық қызметінде үштілділікті насихаттау, биллингвальды компонентті жүзеге асыру жолдары талданды.

Педагогикалық кеңес соңында әр түрлі мәселелер қарастырылып, кеңестің күн тәртібінде қаралған мәселелер бойынша шешім қабылданды.

## Шешім:

1. №1 педкеңес шешімінің орындалу жайы қанағаттанарлық деп қабылдансын.
2. Бағдарлама мазмұнының жүзеге асуына барлық тәрбиешілерге жауапкершілік жүктелсін
3. Балалардың шығармашылық қабілеттерін дамыту бағытындағы шаралар жалғасын тапсын.
4. №2 педкеңес шешімінің орындалу барысын қадағалау әдіскерге жүктелсін.



Тореева М.Тореева

Хасенова Н.Ескендинова

## Педагогикалық кеңес

### Хаттама №3

Өткізілген мерзімі: 10.01.2022 ж  
Қатысқандар саны: 19

**Тақырыбы:** «Спорттық шаралар мен ойындарға, дене шынықтыру жаттығуларына белсенді қатысуға баланың қызығушылығын дамыту және тәрбиелеу».

#### Күн тәртібінде:

1. №2 педагогикалық кеңес шешімінің орындалуы.
2. Бірінші жарты жылдық мониторинг қорытындысы.
3. Шолу ақпарат «Балабақшада салауатты өмір салтын қалыптастыру жолдары» (презентация)
4. Іскерлік ойын «Педагогикалық жүгіріс»
5. Әртүрлі мәселелер

#### Тыңдалды:

Кезекті педагогикалық кеңесте балабақша әдіскері К.Базарбекова №2 педагогикалық кеңес шешімінің орындалу барысын баяндады. Мектепке дейінгі білім беру жүйесіндегі жаңалықтарға тоқтала отырып, жаңа стандарт, үлгілік бағдарламаның жүзеге асу жайы, топтардағы оқу қызметін ұйымдастыруға тәрбиешілердің дайындығы трасында сөз қозғады. Тәрбиешілер перспективалық жоспарлары үлгілік бағдарлама негізінде құрылып, балабақша ұсынған кесте бойынша оқу қызметі жүйелі жүргізіліп отырғанын атап өтті. Сондай-ақ топтарда балалардың шығармашылық қабілеттерін дамыту бағытындағы шаралар ұйымдастырылып отырғанын да сөзге тиек етті.

Екінші мәселе бойынша әдіскер барлық топта балалардың білім, білік, дағды көрсеткіштері бағаланғанын, осыған орай бірінші жарты жылдық мониторинг қорытындысы шығарылғанын және төмен көрсеткішті балалармен жеке жұмыс жүргізу қажеттігін баса назарға алды.

Одан әрі «Балабақшада салауатты өмір салтын қалыптастыру жолдары» бағытында презентациялық шолу ақпарат берілді. Онда балабақшада салауатты өмір салтын ұйымдастыру шаралары ұсынылды. Тәрбиешілердің еңбегі атап өтілді.

Осыдан кейін «Педагогикалық жүгіріс» атты викториналық эстафета – іскерлік ойын ұйымдастырылды. Тәрбиешілер Денсаулық білім беру саласы бойынша білімдері мен тәжірибелерін ортаға салды.

Педагогикалық кеңес соңында әр түрлі мәселелер қатарында балабақшаның ішкі тәртібі, педагог әдебі мәселелері қарастырылды. Тәрбиешілерді мазалаған сұрақтарға жауаптар берілді.



## Хаттама №4

Өткізілген мерзімі: 27.05. 2022 ж

Қатысқандар саны: \_\_ 20 \_\_

**Тақырыбы: «2021 – 2022 оқу жылының міндеттерінің орындалуы, қорытындысы»**

### Күн тәртібінде:

1. №3 педагогикалық кеңес шешімінің орындалуы.
2. Қорытынды мониторинг көрсеткіші
3. Әдіскер мен тәрбиешілердің жылдық есебі
4. Жаз мезгілінің сауықтыру – шынықтыру шараларының жоспарымен таныстыру және бекіту
5. Жазғы оқу қызметі кестесін бекіту
6. Өртүрлі мәселелер

### Тыңдалды:

Педагогикалық кеңестің бастапқы кезеңінде әдіскер өткен №3 педагогикалық кеңес шешімінің орындалу барысы туралы талдау жасады. Мәселен, бірінші жарты жылдық мониторинг қорытындысы бойынша төмен көрсеткіш берге балалармен жеке жұмыстар ұйымдастырылды. Жас мамандарға балалар іс-әрекетіне жетекшілік жасау және оқу қызметін ұйымдастыру бағыты бойынша кеңестер берілді. Сонымен қатар балабақшада салауатты өмір салтын ұйымдастыру жұмысы жоспарлы жүзеге асқандығын атап өтті.

Осы шешім талданғаннан кейін қорытынды мониторинг көрсеткіші жарияланды. Тәрбиешілердің топ бойынша жинақтаған бастапқы, аралық және қорытынды мониторинг көрсеткіштері салыстырмалы талданды. Балалардың білім, білік деңгейі бойынша жеке жұмыстар жүргізу жалғасын табатыны ескерілді.

Келесі мәселе бойынша балабақша әдіскер және тәрбиешілердің жылдық есебі тыңдалды. Балабақша әдіскер жылдық жоспар бойынша шаралардың дер кезінде орындалғанын мәлімдеді. Топ тәрбиешілері оқу қызметі перспективалық жоспарға, сабақ кестесіне сай өткізілгендігін, сонымен қоса атаулы мерекелер, байқаулар балалармен және ата-аналармен бірлесе жүргізілгенін атап өтті.

Одан әрі әдіскер баланың жаз мезгіліне арналған сауықтыру – шынықтыру шараларының жоспарымен таныстырды. Тәрбиешілермен бірқатар жұмыстар талқыланып, өткізу мерзімі, жауапты тұлғалар белгіленді. Барлық педагог қызметкерлердің оң дауыс беруімен жазғы жоспар бекітілді. Сонымен қатар әдіскер жаз мезгіліне арналған сабақ кестесін ұсынды. Жазғы оқу қызметін жеңіл, ойын формасында өткізу

